

Yeshua, Esun Ungi di Israel i Juda; Su Komprenementu!!!

Felipe a haña Natanael i a bis'è: "Nos a haña **Esun di Kende Moisés** a skirbi den e **Lei** i **di Kende e Profetanan** tambe a skirbi **Yeshua di Nazarèt**, yu di Jose." (**Juan 1:45**).

Yeshua: e Lei, e Enseñansa di Dios Tata!!!.

E ora ei **Moisés** a bisa e **yunan di Israel**: "Mira, **SEÑOR** a yama **Bezaleel**, yu hòmber di **Uri**, yu hòmber di **Hur**, di e **Tribu di Juda**, pa **Nòmber**. I **El** a yen'é ku e **Spiritu di Dios** den **Sabiduria**, den **Komprenementu**, den **Konosementu** i den tur obra: pa traha diseñonan pa obra di oro, di plata i di bròns, i pa kòrta piedra pa montura, pa graba den palu, i asina traha tur sorto di obra fini. (**Éksodo 35:30-33**).

E **Temor di SEÑOR** ta e **prinsipio di Sabiduria**, i e **Konosementu di Esun Santu ta Komprenementu**. (**Proverbionan 9:10**). **Esun** ku midi su **palabranan tin Konosementu**, i **esun** ku tin un **Spiritu Kalmo** ta un hende di **Komprenementu**. (**Proverbionan 17:27**).

Yeshua a kontestá: "**Esun di promé** ta: '**Tende, O Israel, SEÑOR nos Dios ta ún SEÑOR. Stima SEÑOR bo Dios** ku henter bo kurason, i ku henter bo Alma, i ku henter bo mente, i ku tur bo forsa.' E di dos ta esaki: '**Stima bo Próhimo** manera bo mes.' No tin **ningun** otro mandamentu mas grandi ku esakinan." I e eskriba a bis'E: "**Korekto, Maestro, Bo a papia Bèrdat**, pasobra ta **ún Dios** tin; i **fuera di djE** no tin **ni un otro**. I pa **Stim'E** ku henter bo kurason i ku tur bo **Komprenementu** i ku tur bo forsa, i pa **stima bo próhimo** manera bo mes, ta bal mas ku tur ofrenda kimá i sakrifisio." (**Marko 12:29-33**).

Yeshua ta Dios Tata Su Komprenementu!!!

Ora abo bai buska den **Hebreo**; ku ta e **Lenga Original**, loke ta nifiká **Komprenementu abo** ta haña entre otro skirbi: **instrukshon**, **persepsion**, **habilidad**, **distinguí**, **diserní**, **siña**, **realisá**, **rekonosé**, **Konosementu**. Esaki kier men ku **Komprenementu** tin di haber ku e **Enseñansa**, ku ta e **Lei**.

Awor aki den **2020** ta **Dios Su Yu, Yeshua Mesias**, ta duna abo e **Lei**, e **Enseñansa** (**Mateo 5:17**). **Ora abo** bin jega na **Komprenementu di Dios**, abo ta bin jega na **Konosementu di Dios Su Boluntad** pa abo su **Bida** riba e **mundu** aki.

Ken entre boso ta **Sabí** i **Huisioso?** (**Santiago 3:13**). Kua di boso tin **Sabiduria** i **Komprenementu?** (**Hakobo 3:13**). Who among you is **Wise** and **Intelligent?** (**James 3:13 AMP**). Who is a **Wise** man and endowed with **Knowledge** among you? (**James 3:13 KJV**). Do you want to be counted **Wise**, to build a reputation for **Wisdom?** (**James 3:13 MSG**). Wie van u is **Wijs** en **Verstandig?** (**Jacobus 3:13 Het Boek**). **Komprenementu** a wordu **tradusí** for di e **Lenga Original** na **diferente palabra**, ta pesei **abo** mester di **Yeshua**, e **Enseñansa di Dios Tata**.

22 novèmber 2020

Sea Bendishoná ku e Amor di Dios Tata; Yeshua Mesias
Un Fiel Sirbidó di Dios,
Remsly L Riley.